

**Kehidupan Tuhan-Manusia untuk Kepulihbangkitan Baru**

Bacaan Bible: Im. 1:3, 9; 6:8-13; Yoh. 21:15-17;  
1 Yoh. 3:14; 5:1; 2:6; 4:17; Gal. 6:2-3; Roma 8:2

- I. Hasrat hati Tuhan ialah “realiti itu...dalam Yesus” (Ef. 4:21), iaitu keadaan sebenar kehidupan Tuhan-manusia Yesus seperti yang tercatat dalam empat Injil, dapat diduplikasikan dalam banyak anggota Tubuh Kristus melalui Roh realiti untuk menjadi realiti Tubuh Kristus, yakni puncak tertinggi dalam ekonomi Tuhan, demi kepulihbangkitan baru (ay. 20-24):**
- A. Empat Injil menunjukkan teladan kehidupan yang dihasratkan Tuhan, iaitu acuan kehidupan yang dapat memuaskan Tuhan dan menggenapkan tujuan-Nya; Yesus menjalani kehidupan yang sentiasa melakukan segala hal dalam Tuhan, bersama dengan Tuhan, dan untuk Tuhan; Tuhan berada dalam kehidupan-Nya, dan Dia adalah satu dengan Tuhan; inilah maksud *realiti itu ada dalam Yesus*; mempelajari Kristus sebagaimana realiti itu ada dalam Yesus bererti dibentuk mengikut teladan Kristus, iaitu dikonform kepada imej Kristus—Roma 8:28-29; Ef. 4:20-21.
  - B. Kita sedang disempurnakan oleh Tuan untuk menjadi Tuhan-manusia yang berhidupkan hayat divin dengan menyangkal hayat alamiah kita menurut model Kristus yang merupakan Tuhan-manusia pertama—Mat. 11:29a; 17:5b; 1 Ptr. 2:21:
    - 1. Dalam kehidupan-Nya di bumi, Dia mendirikan teladan, seperti yang diwahikan dalam empat Injil; kemudian Dia disalibkan dan bangkit menjadi Roh beri-hayat supaya Dia dapat memasuki kita untuk menjadi hayat kita; kita belajar daripada Kristus menurut teladan-Nya, bukan melalui hayat alamiah kita tetapi melalui Dia sebagai hayat kita dalam kebangkitan—1 Kor. 15:45b; Kol. 3:4.
    - 2. Kehidupan Kristian kita ialah kehidupan dalam Kristus dan juga kehidupan Kristus dalam kita; kita berada dalam Kristus yang merupakan acuan, dan Dia berada dalam kita sebagai hayat kita; dengan cara ini, kita mempelajari Kristus sebagaimana realiti itu ada dalam Yesus; realiti ini ialah realiti Tubuh Kristus—1 Kor. 1:30; 2 Kor. 5:17; 12:2a; Kol. 1:27; Gal. 2:20; Roma 8:10.
  - C. Apabila kita mengasihi Tuan, menghubungi-Nya, dan berdoa kepada-Nya, secara automatik kita berhidupkan Dia menurut acuan, bentuk, teladan, yang diuraikan dalam buku-buku Injil; dengan cara ini, kita dibentuk, dikonform, kepada imej acuan ini—inilah maksud mempelajari Kristus—Mat. 11:29; Roma 8:29.
  - D. Apabila kita hidup dalam roh pembauran, kita mempelajari Kristus melalui Roh realiti menurut realiti itu yang ada dalam Yesus; kita belajar daripada Dia sebagai model kita supaya biografi-Nya menjadi sejarah kita; kehidupan Tubuh Kristus sebagai manusia baru harus sama sekali serupa dengan kehidupan Yesus yang diwahikan dalam buku Injil—Gal. 6:17-18; Roma 1:1, 9; Ef. 4:20-24; Flp. 2:5; Mat. 11:29; 1 Ptr. 2:21.
  - E. Tujuan Tuhan mengutus Tuan Yesus menjadi manusia adalah supaya Dia menjalani kehidupan Tuhan-manusia melalui hayat divin; apabila kita makan Dia, kita hidup kerana Dia untuk menjadi manusia universal yang agung, yang sama sepenuhnya dengan Dia—manusia yang menjalani kehidupan Tuhan-manusia melalui hayat divin—Rat. 3:22-24, 55-56; Wahi 2:4, 7; Yoh. 6:57, 63; Yer. 15:16; Ef. 6:17-18; Mzm. 119:15.
- II. Satu-satunya kehidupan yang diperkenan Tuhan ialah kehidupan yang merupakan pengulangan kehidupan yang dijalani Kristus di bumi; ini ialah suatu kehidupan yang mengalami Kristus dalam pengalaman-Nya sebagai korban bakaran—Im. 1:9; Yoh. 8:29; 2 Kor. 5:9:**

- A. Korban bakaran mentamsilkan Kristus dalam kehidupan-Nya yang mutlak untuk Tuhan dan demi kepuasan Tuhan; korban bakaran juga mentamsilkan Kristus sebagai hayat yang membolehkan umat Tuhan menjalani kehidupan sedemikian—Im. 1:3; Bil. 28:2-3; Yoh. 5:30; 6:38; 8:29; Ibr. 10:5-10.
- B. Perkataan yang diterjemahkan sebagai “korban bakaran” bermakna sesuatu yang naik ke atas; sesuatu yang naik ke atas ini merujuk kepada Kristus (Im. 1:3, 10, 14); satu-satunya benda yang dapat naik kepada Tuhan dari bumi ini ialah kehidupan yang dijalani Kristus, kerana Dialah satu-satunya orang yang menjalani kehidupan yang mutlak untuk Tuhan (Yoh. 6:38).
- C. Korban bakaran ialah “suatu haruman yang memuaskan untuk Yehova” (Im. 1:9); perkataan Ibrani yang diterjemahkan sebagai “haruman yang memuaskan” secara literal bermaksud “bau-bauan yang merehatkan atau memuaskan”; haruman yang memuaskan ialah bau-bauan yang membawa kepuasan, damai sejahtera, dan rehat; haruman yang memuaskan ini ialah suatu kenikmatan bagi Tuhan.
- D. Hayat Kristus dalam kita ialah realiti korban bakaran—ini merupakan hayat yang patuh, hayat yang tunduk, dan hayat yang bergantung sepenuhnya pada Tuhan menurut prinsip pohon hayat—Flp. 2:8; Yoh. 5:19, 30; Ibr. 5:8; 10:7:
1. Manusia bertindak secara bersendirian dan secara merdeka terpisah daripada Tuhan dan di luar Tuhan ialah dosa; Tuhan mahu kita bertindak menurut arahan-Nya dalam segala sesuatu—Mzm. 40:7-8; 1 Yoh. 3:4.
  2. “Barang siapa yang tidak menerima kingdom Tuhan seperti anak kecil pasti tidak akan masuk ke dalamnya” (Luk. 18:17); Tuhan mahu kita sentiasa seperti anak kecil kerana Dia mahu kita sentiasa bergantung pada-Nya; keyakinan diri ialah musuh kepada kebergantungan kepada Tuhan.
- E. Dengan meletakkan tangan kita pada Kristus sebagai korban bakaran kita menerusi doa yang wajar, kita bergabung dengan-Nya, maka Dia dan kita menjadi satu; apabila Kristus hidup dalam kita, Dia mengulangi kehidupan yang dijalani-Nya di bumi dalam kita, iaitu kehidupan korban bakaran—Im. 1:4; 1 Kor. 6:17; Gal. 2:20.
- F. Dalam penyatuan sedemikian, persepaduan sedemikian, semua kelemahan, kepincangan, dan kesalahan kita telah dipikul-Nya—2 Kor. 5:21; Gal. 2:20a.
- G. Kita harus membenarkan Tuan membakar kita supaya kita dapat terus menjadi korban bakaran untuk membakar orang lain dan dikurangkan menjadi abu agar menjadi Yerusalem Baru untuk ekspresi Tuhan—Mzm. 20:3; Im. 1:16; 6:8-13; 1 Kor. 3:12a; Wahi 3:12; 21:2, 10-11, 18-21:
1. Abu menandakan Kristus dikurangkan sehingga menjadi ketiadaan; oleh sebab kita satu dengan Kristus yang telah dikurangkan sehingga menjadi abu, maka kita juga dikurangkan menjadi abu, iaitu dikurangkan sehingga menjadi ketiadaan, menjadi kosong—Mrk. 9:12; Yes. 53:3; 1 Kor. 1:28; 2 Kor. 12:11.
  2. Semakin kita disepadukan dengan Kristus dalam kematian-Nya, semakin kita menyedari bahawa kita menjadi timbunan abu; apabila kita menjadi abu, kita bukan lagi seorang yang alamiah; sebaliknya, kita ialah seorang yang telah disalibkan, ditamatkan, dibakar—Gal. 2:20a.
- H. Meletakkan abu di sebelah timur mazbah, iaitu di sebelah matahari terbit, ialah rujukan kepada kebangkitan—Im. 1:16; Yoh. 11:25; Flp. 3:10-11; 2 Kor. 1:9:
1. Dengan Kristus sebagai korban bakaran, abu bukanlah pengakhiran, tetapi permulaan; abu bererti Kristus telah dimatikan, tetapi sebelah timur melambangkan kebangkitan—Mrk. 9:31.
  2. Semakin kita dikurangkan menjadi abu dalam Kristus, semakin kita akan diletakkan di sebelah timur, dan di sebelah timur kita mempunyai kepastian bahawa matahari akan terbit dan kita akan mengalami terbitnya matahari kebangkitan—Flp. 3:10-11.
- I. Pada akhirnya, abu itu akan menjadi Yerusalem Baru—Wahi 3:12; 21:2, 10-11:

1. Kematian Kristus membawa kita kepada pengakhiran, mengurangkan kita sehingga menjadi abu, dan dalam kebangkitan abu itu menjadi bahan berharga untuk pembinaan Tuhan—1 Kor. 3:9b, 12a.
2. Apabila kita dikurangkan sehingga menjadi abu, kita dibawa ke dalam transformasi Tuhan Tritunggal untuk menjadi bahan berharga bagi pembinaan Yerusalem Baru—Roma 12:1-2; 2 Kor. 3:18; Wahi 21:18-21.

**III. Semasa melaksanakan ministri Wasiat Baru Tuhan, Tuan Yesus, sebagai realiti korban bakaran, tidak melakukan apa-apa daripada diri-Nya (Yoh. 5:19), Dia tidak melakukan kerja-Nya sendiri (4:34; 17:4), Dia tidak membiarkan kata-kata-Nya sendiri (14:10, 24), Dia melakukan segala-gala bukan melalui kehendak-Nya sendiri (5:30), dan Dia tidak mencari kemuliaan-Nya sendiri (7:18); Dia tidak pernah kecewa kerana Dia hanya dipuaskan dengan Tuhan (Yes. 42:4; 50:4-5; 53:2a; bd. Yoh. 4:13-14; 6:15; Mrk. 9:7-8):**

- A. Kehidupan Tuan ialah kerja-Nya, pergerakan-Nya, dan ministri-Nya; kerja-Nya ialah kehidupan-Nya, dan pergerakan-Nya ialah diri-Nya; pada Dia, tidak ada perbezaan antara kehidupan-Nya, kerja-Nya, pergerakan-Nya, dan ministri-Nya; Tuan Yesus berhidupkan ministri-Nya—bd. Luk. 22:26-27; Yoh. 10:10b; 1 Kor. 15:45b; 1 Yoh. 5:16a; 2 Kor. 3:6; Flp. 1:25.
- B. Tuan Yesus ialah seorang pendoa; Dia sering pergi ke gunung atau berundur ke tempat peribadi untuk berdoa—Mat. 14:23; Mrk. 1:35; Luk. 5:16; 6:12; 9:28.
- C. Selepas melakukan mukjizat memberi makan kepada lima ribu orang, Dia mendesak disipal-disipal meninggalkan-Nya supaya Dia mempunyai lebih banyak masa untuk berdoa seorang diri kepada Bapa—Mat. 14:22-23:
  1. Dengan berdiri dalam kedudukan manusia (4:4), Raja syurgawi sebagai Anak yang dikasihi Bapa (3:17) perlu berdoa seorang diri kepada Bapa-Nya yang berada di syurga-syurga supaya Dia dapat bersatu dengan Bapa dan mempunyai Bapa bersama-Nya dalam apa jua yang dilakukan-Nya di bumi demi penubuhan kingdom syurga-syurga.
  2. Dia bukan berdoa di tempat terpencil tetapi di gunung, meninggalkan semua orang, bahkan disipal-disipal-Nya agar dapat sendirian semasa menghubungi Bapa.
- D. Oleh sebab Dia seorang pendoa yang bersatu dengan Tuhan, Dia tidak pernah bersendirian, kerana Bapa ada bersama dengan-Nya; Dia melihat wajah Bapa-Nya pada setiap saat—Yoh. 5:19; 16:32; Mzm. 16:7-8; bd. 27:8.

**IV. Apabila kita tinggal dalam kasih yang merupakan Tuhan sendiri, kasih telah “disempurnakan pada kita, agar kita beroleh keberanian pada hari penghakiman kerana sebagaimana Dia itu, begitu jugalah kita di dunia ini” (1 Yoh. 4:17)—Kristus sebagai realiti korban bakaran menjalani kehidupan Tuhan sebagai kasih di dunia ini dan kini Dia menjadi hayat kita agar kita dapat menjalani kehidupan kasih yang sama di dunia ini dan menjadi sama seperti apanya Dia (3:14; 5:1; 2:6):**

- A. Hukum Roh hayat dalam roh kita ialah hukum Kristus sebagai hukum kasih (Roma 8:2; Gal. 6:2-3); hukum kasih harus disubstansiasi melalui hukum Roh hayat agar kita dapat memikul beban satu sama lain; akan tetapi, jika kita dipenuhi kesombongan, kita tidak dapat memikul beban orang lain kerana kita menipu diri sendiri dengan beranggapan bahawa kita ini seseorang, padahal kita bukan apa-apa (ay. 3).
- B. Apabila hukum kasih diaktifkan dalam kita, secara automatik dan secara spontan kita akan menjadi gembala yang mempunyai hati Tuhan Bapa kita yang penuh kasih dan pengampunan, serta mempunyai roh Kristus Penyelamat kita yang menggembala dan mencari—Yoh. 21:15-17; Luk. 15:3-7.
- C. Apabila hukum kasih diaktifkan dalam kita, jerih lelah kita dalam Tuan ialah jerih lelah kasih (1 Kor. 15:58; 1 Tes. 1:3), yang dalamnya kita “membantu

yang lemah” (Kis. 20:35) dan “topang...yang lemah” (1 Tes. 5:14); *yang lemah* merujuk kepada orang yang lemah, sama ada dalam roh, sukma, atau tubuh mereka, ataupun lemah dalam iktikad (Roma 14:1; 15:1).

- D. Selepas kebangkitan-Nya, Tuan menggembala Petrus dan mengamanatkannya agar memberi makan kepada anak domba-Nya dan menggembala domba-domba-Nya; ini bererti menginkorporasikan ministri dutus dengan ministri Kristus di syurga untuk menjaga kawanan Tuhan, yakni gereja, yang menghasilkan pembinaan Tubuh Kristus agar berkonsumsi dalam Yerusalem Baru demi penyempurnaan ekonomi abadi Tuhan—Yoh. 21:15-17.